

Ծուծենէ հրաժարման անապատին՝ թէ որ-
քան տրտմէին տարատրոհեալ միանձուներն՝
զի զրկեցան ի խրատէ և ի տեսո նորա. ոչ միայն
ասուներն՝ այլ և անասուներն, պաճարեղէներն և
շողղակերքն, աւդախներն և ջրայինքն, բոյսքն և
անբոյսքն: Բանգի երկներ երկիրն՝ և հեծեր ա-
մային, քրքուէին քարինքն՝ և լային լերինքն, տը-
տըմէին տունկքն՝ և բեկտէին բոյսքն, հառաչէին
հաւքն՝ և թախծէին թըռչուներն, գոռային
գաղանքն՝ և գորովէին զիշտխանձքն, պապա-
չէին պոռոչէին պաճարքն՝ և արտասուէին
[[թղ. 14 ա]] անասուներն, բշէին բըբշէին, մըն-
չախն, մըռնչէին, և յոգւոց հանէին ի բա-
ժանման սրբոյն. քանզի դարմանող էր նոցա,
և նոքա հնազանդ և ձեռասուն նմա, որպէս
նախաստեղծին նախ քան զյանցանսն. մինչ-
դեռ անսխալ և անշարժ էր պատկերն, և ա-
մենայն ինչ հնազանդ ի ներքոյ ոտից նորա:

Զինչ և զինաւորացն զատիլ ի նմանէ, և
զաւրաւարին պակասումն ի զաւրաց նորա. և
զըշաւորացն գերիլ ի նմանէ. և որքան տըխ-
րութիւն լինէր թագաւորին ի գընալն նորա.
քանզի բազում պակասութիւն լինէր և կո-
րուստ արքայական հարկին՝ յաղազս ոչ զի-
տելո զգիրս և զհամարս նոցա: